



晏子刪評題辭

景公僅一國之雄。晏子非主佐之器。

而諫行言聽。具都俞喜起之風者。何也。蓋言之一術。往之正言。恒迂而談。言恒中。莊語寡合。而巽語多取。靡聽者能受。而投之者之巧也。以故平。

仲一生事君惟是交隣接物惟是
雖聖門游賜亦弗過之予嘗讀其書
竊謂策名委質者疇不欲致其光舜
能操是法而進之則葭不入矣。雖然
翠翰免穎通體未純排沙揀金不以
觸目見寶。每憾不得刻吳山手。使

湘水平鋪倘徉容與也。不意余友
會稽馬巽倩擲比巖。惟盡美者存
稍免者去。想平仲精神面目盡在
阿堵中矣。予故亟請梓。以公同好
如謂多益善者。此不善讀晏子者
也。

古剌王侯士引父題



晏子刪評卷上

會稽馬權奇異倩刪評

古剌王 侯士引 教

諫上第一

景公飲酒酣曰今日願與諸大夫為樂飲請無為禮
晏子蹴然改容曰君之言過矣羣臣固欲君之無禮
也力多足以勝其長勇多足以弑君而禮不使也禽
獸矣力為政彊者犯弱故曰易主今君去禮則是禽
獸也羣臣以力為政彊者犯弱而日易主君將安立

晏子刪評

晏子刪評

上卷

矣。凡人之所以貴於禽獸者，以有禮也。故詩曰：人而無禮，胡不遄死。禮不可無也。公湏而不聽，少間公出。晏子不起。公入，不起。交舉則先飲。公怒，色變，抑正視曰：嚮者夫子之教寡人，無禮之不可也。寡人出入不起，交舉則先飲，禮也。晏子避席，再拜稽首而請曰：嬰敢與君言而忘之乎？臣以致無禮之實也。君若欲無禮，此是已。公曰：若是孤之罪也。夫子就席，寡人聞命矣。觴三行，遂罷酒。蓋是後也，飭法脩禮，以治國政，而百姓肅也。

妙在後類

景公飲酒七日，七夜不止。弦章諫曰：君欲飲酒，七日七夜，章願君廢酒也。不然，章賜死。晏子入見，公曰：章諫吾曰：願君之廢酒也。不然，章賜死。如是而聽之，則臣爲制也。不聽，又愛其死。晏子曰：幸矣，章遇君也。令章遇桀、紂者，章死久矣。於是公遂廢酒。

此今字實
作今字

翟王子美臣於景公，以重駕，公觀之而不說也。嬖人嬰子欲觀之，公曰：及晏子寢病也，居囿中臺上，以觀之。嬰子說之，因爲之請曰：厚祿之，公許諾。晏子起病而見公，公曰：翟王子美之，駕寡人甚說之，請使之示

當知晏子見
憚於景公處
言前先行一
段工夫更隨
事可盡言其
於後世之以
賢為孤注者

乎。晏子曰：「駕御之事，臣無職焉。」公曰：「寡人一樂之，是欲祿之以萬鍾，其足乎？」對曰：「昔衛士東野之駕也，公說之，嬰子不說，公曰不說，遂不觀。今翟王子羨之駕也，公不說，嬰子說，公因悅之，為請，公許之，則是婦人為制也。且不樂治人而樂治馬，不厚祿賢人而厚祿御夫。昔者先君桓公之地狹於今，修法治，廣政教，以霸諸侯。今君一諸侯無能親也，歲凶年饑，道途死者相望也。君不此憂恥而惟圖耳目之樂，不修先君之功烈而惟飾駕御之伎，則公不顧民而忘國甚矣。且

詩曰：「載駟載駟，君子所誠。」夫駕八固非制也。今又重此，其為非制也不滋甚乎？且君苟美樂之，國必衆為之，田獵則不便，道行致遠則不可。然而用馬數倍，此非御下之道也。淫于耳目，不當民務，此聖王之所禁也。君苟美樂之，諸侯必或效我，君無厚德善政，以被諸侯而易之以僻，此非所以子民彰名，致遠親隣國之道也。且賢良廢滅，孤寡不振，而聽嬖妾以祿御夫，以蓄怨與民為讎之道也。詩曰：「哲夫成城，哲婦傾城。」今君不思成城之求，而惟傾城之務，國之亡日至矣。

君其圖之。公曰善。遂不復觀。乃罷歸翟王子美。而疏嬖人嬰子。

景公有男子五人。所使傳之者。皆有車百乘者也。晏子爲一焉。公召其傅曰。勉之。將以而所傳爲子。及晏子。晏子辭曰。君命其臣。據其肩以盡其力。臣敢不勉乎。今有之家。此一國之權臣也。人人以君命命之曰。將以而所傳爲子。此離樹別黨。傾國之道也。嬰不敢受命。願君圖之。

說盡其情
無嫌譽之原
足以樸拙出

淳于人。納女于景公。生孺子荼。景公愛之。諸臣謀欲

廢公子陽生而立荼。公以告晏子。晏子曰。不可。夫以賤匹貴國之害也。置大立少。亂之本也。夫陽生而長。國人戴之。君其勿易。夫服位有等。故賤不凌貴。立子有禮。故孽不亂宗。願君教荼以禮。而勿陷于邪。導之以義。而勿湛于利。長少行其道。宗孽得其倫。夫陽生敢毋使荼饜梁肉之味。玩金石之聲。而有患乎。廢長立少。不可以教下。尊孽卑宗。不可以利所愛。長少無等。宗孽無別。是設賊樹姦之本也。君其圖之。古之明君。非不知繁樂也。以爲樂淫則哀。非不知立愛也。以

遺教以愛之
之道與左師

無龍之說

太后同一机

為義失則憂。是故制樂以節，立子以道。若夫恃讒諛以事君者，不足以責信。今君用讒人之謀，聽亂夫之言也。廢長立少，臣恐後人之有因君之過以資其邪廢少而立長以成其利者，君其圖之。公不聽。景公沒，田氏殺君荼，立陽生，殺陽生，立簡公，殺簡公而取齊國。

景公疥且瘡，期年不已，召會譴梁丘據。晏子而問焉。曰：寡人之病病矣，使史固與祝佗巡山川宗廟，犧牲珪璧莫不備具，數其常多。先君桓公，桓公一則寡人

徒道理中山
所以異
於國若蘇
張之世在金
德則字之謂
翻矣

明透安得不
謂善
省而透借勝
左傳

再病不已，滋甚。予欲殺二子者，以說于上帝，其可乎？會譴梁丘據曰：可。晏子不對。公曰：晏子何如？晏子曰：君以祝為有益乎？公曰：然。若以為有益，則詛亦有損也。君疏輔而遠拂，忠臣擁塞，諫言不出，臣聞之。近臣嘿，遠臣瘖，眾口鑠金。今自聊攝以東，姑尤以西者，此其人民衆矣。百姓之咎怨，誹謗詛君于上帝者多矣。一國詛，兩人祝，雖善祝者不能勝也。且夫祝直言情，則謗吾君也。隱匿過則欺上帝也。上帝神則不可欺。上帝不神，祝亦無益。願君察之也。不然，刑無罪，夏商

詞理俱奇絕
大而不世道

所以滅也。公曰善。解予惑。

齊大旱逾崑。景公召羣臣問曰：天不雨久矣，民且有饑色，吾使人卜云：祟在高山廣水，寡人欲少賦歛以祠靈山，可乎？羣臣莫對。晏子進曰：不可。祠此無益也。夫靈山固以石為身，以草木為髮。天久不雨，髮將焦，身將熱，彼獨不欲雨乎？祠之無益。公曰：不然，吾欲祠河伯，可乎？晏子曰：不可。河伯以水為國，以魚鼈為民。天久不雨，泉將下，百川竭，國將亡，民將滅矣。彼獨不欲雨乎？祠之何益？景公曰：今為之奈何？晏子曰：君誠

宮殿暴露，與靈山河伯共憂其幸而雨乎？于是景公出野居，暴露三日，天果大雨，民盡得種時。景公曰：善哉！晏子之言，可無用乎？其維有德。

景公出遊于公阜，北面望，睹齊國，曰：嗚呼！使古而無死，何如？晏子曰：昔者上帝以人之沒為善，仁者息焉，不仁者伏焉。若使古而無死，丁公、太公將有齊國，桓襄、文武將皆相之。君將戴笠衣褐，執鈇耨，以蹲行畝畝之中，孰暇患死？公忿然作色，不說，無幾何而梁丘據御六馬而來。公曰：是誰也？晏子曰：據也。公曰：何如？

不負天戒而
且天教儆
其教

曰大暑而疾馳甚者馬死薄者馬傷非據孰敢爲之
公曰據與我和者夫晏子曰此所謂同也所謂和者
君甘則臣酸君淡則臣鹹今據也甘君亦甘所謂同
也安得爲和公忿然作色不悅無幾何日暮公西面
望睹彗星召伯常騫使禳去之晏子曰不可此天教
也日月之氣風雨不肯彗星之出天爲民之亂見之
故詔之妖祥以戒不敬今君若設文而受諫謁聖賢
人雖不去彗星將自亡今君嗜酒而并于樂政不節
而寬于小人近讒好優惡文而疏聖賢人何暇在彗
弗又將見矣公忿然作色不悅及晏子卒公出背
立曰嗚呼昔者從夫子而游公阜夫子一日而三責
我今誰責寡人哉

景公射鳥野人駭之公怒令吏誅之晏子曰野人不
知也臣聞賞無功謂之亂罪不知謂之虐兩者先王
之禁也以飛鳥犯先王之禁不可今君不明先王之
制而無仁義之心是以從欲而輕誅夫鳥獸固人之
養也野人駭之不亦宜乎公曰善自今已後弛鳥獸
之禁無以苛民也

景公使圉人養所愛馬。暴死。公怒。令人操刀解養馬者。是時晏子侍前。左右操刀而進。晏子止而問于公曰。堯舜支解人。從何舛始。公矍然曰。從寡人始。遂不支解。公曰。以屬獄。晏子曰。此不知其罪而死。臣爲君數之。使知其罪。然後致之獄。公曰。可。晏子數之曰。爾罪有三。公使汝養馬而殺之。當死罪一也。又殺公之所最善馬。當死罪二也。使公以一馬之故而殺人。百姓聞之。必怨吾君。諸侯聞之。必輕吾國。汝殺公馬。使怨積于百姓。兵弱于隣國。汝當死罪三也。今以屬獄。公喟然嘆曰。夫子釋之。夫子釋之。勿傷吾仁也。

諫下第二

景公藉重而獄多。拘者滿圉。怨者滿朝。晏子諫。公不聽。公謂晏子曰。夫獄國之重官也。願託之夫子。晏子對曰。君將使嬰勅其功乎。則嬰有壹妄能書足以治之矣。君將使嬰勅其意乎。夫民無欲殘其家室之生。以奉暴上之僻者。則君使吏比而焚之而已矣。景公不悅曰。勅其功。則使一妄。勅其意。則比焚。如是。夫子無所謂能治國乎。晏子曰。嬰聞與君異。今夫胡貉戎

狄之蓄狗也多者十有餘寡者五六然不相害傷今
束雞豚妄投之其折骨決皮可立得也且夫上正其
治下審其論則貴賤不相踰越今君舉千鍾爵祿而
妄投之于左右左右爭之甚于胡狗而公不知也寸
之管無當天下不能足之以粟今齊國丈夫畊女子
織夜以接日不足以奉上而君側皆彫文刻鏤之觀
此無當之管也而君終不知五尺童子操寸之煙天
下不能足以薪今君之左右皆操煙之徒而君終不
知鐘鼓成肆千戚成舞雖禹不能禁民之觀且夫飾
民之欲而嚴其聽禁其心聖人所難也而况奪其財
而饑之勞其力而疲之常致其苦而嚴聽其獄痛誅
其罪非嬰所知也

晏子使于魯比其返也景公使國人起大臺之役歲
寒不已凍餒之者鄉有焉國人望晏子晏子至已復
事公廼坐飲酒樂晏子曰君若賜臣臣請歌之歌曰
庶民之言曰凍水洗我若之何太上靡散我若之何
歌終喟然嘆而流涕公就止之曰夫子何爲至此殆
爲大臺之役夫寡人將速罷之晏子再拜出而不言

遂如大臺。執朴鞭其不務者。曰：吾細人也。皆有蓋廬。以避燥濕。君爲壹臺而不速成。何爲國人？皆曰：晏子助天爲虐。晏子歸未至而君出令趣罷役。車馳而人趨。仲尼聞之喟然嘆曰：古之善爲人臣者。聲名歸之君。禍災歸之身。入則切磋其君之不善。出則高譽其君之德義。是以雖事情君。能使垂衣裳朝。諸侯不敢伐其功。當此道者。其晏子是耶。

景公出獵。上山見虎。下澤見蛇。歸召晏子而問之。曰：今日寡人出獵。上山則見虎。下澤則見蛇。殆所謂不祥也。晏子對曰：國有三不祥。是不與焉。夫有賢而不知。一不祥。知而不用。二不祥。用而不任。三不祥也。所謂不祥。乃若此者。今上山見虎。虎之室也。下澤見蛇。蛇之穴也。如虎之室。如蛇之穴。而見之。曷爲不祥也。

景公問晏子曰：吾欲服聖王之服。居聖王之室。如此。則諸侯其至乎？晏子對曰：法其節儉。則可。法其服。居其室。無益也。三王不同服。而王非以服致諸侯也。誠于愛民。果于行善。天下懷其惠而歸其義。若其衣服節儉。而衆悅也。夫冠足以脩敬。不務其飾。衣足以掩

疏通條理
不在此中
冠

形禦寒。不務其美。衣不務于隅。胝之削。冠無觚。羸之
理。身服不雜絲。首服不鏤刻。且古者嘗有紕衣。學領
而王天下者。其義好生而惡殺。節上而美上。天下不
朝其服。而其歸其義。古者嘗有處櫓巢窟。穴而不惡。
予而不取。天下不朝其室。而其歸其仁。及三代作服。
爲益敬也。首服足以脩敬而不重也。身服足以行潔。
而不害于動作。服之輕重。便于身。用財之費。順于民。
其不爲櫓巢者。以避風也。其不爲穴者。以避濕也。是
故明堂之制。下之潤濕不能及也。上之寒暑不能入

也。土事不文。水事不鏤。示民之節也。及其衰也。衣服
之侈。過足以敬。宮室之美。過避潤濕。用力甚多。用財
甚費。與民爲讎。今君欲法聖王之服。不法其制。法其
節儉也。則雖未成治。庶其有益也。今君窮臺榭之高。
極汗池之深。而不止。務于刻鏤之巧。文章之觀。而不
厭。則亦與民而讎矣。若臣之慮。恐國之危。而公不于
也。公乃願致諸侯。不亦難乎。公之言過矣。

晏子朝。復于景公曰。朝居嚴乎。公曰。嚴居朝。則曷害
於治國家哉。晏子對曰。朝居嚴。則下無言。下無言。則

上無聞矣。下無言，則吾謂之瘖。上無聞，則吾謂之聾。聾瘖非害國家而如何也。且令升鼓之微，以蒲倉廩，合疏縷之締，以成帷幕。太山之高，非一石也。累卑然後高。天下者，非用一士之言也。固有受而不用，惡有拒而不受者哉。

景公之嬖妾嬰子死，公守之三日不食，膚著于席，不去左右以復，而君無聽焉。晏子入，復曰：「有術，客與醫俱言曰：『聞嬰子病死，願請治之。』公喜，遽起曰：『病猶可爲乎？』」晏子曰：「客之道也，以爲良醫也，請嘗試之。」君請

得之妙

屏沐浴飲食，間病者之宮，彼亦將有鬼神之事焉。公曰：「諾。」屏而沐浴。晏子令棺人入，歛已歛，而復曰：「醫不能治病已歿矣，不敢不以聞。」公作色不說曰：「夫子以醫命寡人，而不使視，將歛而不以聞，吾之爲君，名而已矣。」晏子曰：「君獨不知死者之不可以生耶？嬰聞之，君正臣從，謂之順；君僻臣從，謂之逆。今君不道順而行僻，從邪者，適導害者遠，讒諛萌通，而賢良廢滅，是以諂諛繁於朝，間邪行交於國也。昔吾先君桓公用管仲而霸，嬖愛乎豎刁而滅，今君薄於賢人之禮，而厚

嬖妾之哀。且古聖王蓄私不傷行。殮死不失愛。送死不失哀。行傷則溺已。愛失則傷生。哀失則害性。是故聖王節之也。卽畢殮不畱生事。棺槨衣衾不以害生。養哭泣處哀不以害生道。今朽尸以畱生。廣愛以傷行。修衰以害性。君之失矣。故諸侯之賓客。慙入吾國。本朝之臣。慙守其職。崇君之行。不可以導民。從君之欲。不可以持身。且嬰聞之。朽而不殮。謂之僇尸。臭而不收。謂之陳齒。反明王之性。行百姓之誹。而內嬖妾於僇。齒此之為不可。公曰。寡人不識。請因夫子而為

終因其情正

之。晏子復曰。國之士大夫。諸侯四隣。賓客皆在外。君其哭而節之。仲尼聞之曰。星之昭昭。不若月之曄曄。小事之成。不若大事之廢。君子之非。賢於小人之是也。其晏子之謂歟。

景公登射。晏子脩禮而侍。公曰。選射之禮。寡人厭之矣。吾欲得夫勇力士。與之圖國。晏子對曰。君子無禮。是庶人也。庶人無禮。是禽獸也。夫勇多則弑其君。力多則殺其長。然而不敢者。維禮之謂也。禮者。所以御民也。嚮者。所以御馬也。無禮而能治國家者。嬰未之

聞也。景公曰善。乃飾射更席以爲上客。終日問禮。

問上第三

莊公將代晉，問於晏子。晏子對曰：不可。君得合而欲多，養欲而意驕，得合而欲多者，危；養欲而意驕者，困。今君任勇力之士以伐明主，若不濟國之福，也不德而有功，憂必及君。公作色不悅。晏子辭不爲臣，退而窮處。堂下生蓼，藿門外生荆棘。莊公終任勇力之士，西伐晉，取朝歌及太行，孟門。茲於兌，碁而民散，身滅於崔氏，崔氏之碁，逐羣公及慶氏亡。

聞古之賢者，往往以勝爲憂。此等警策，須常在胸中。景公伐齊，勝之，問晏子曰：吾欲賞於齊，何如？對曰：臣聞之以謀勝國者，益臣之祿；以民力勝國者，益民之利。故上有美，獲下有加利。君上享其名，臣下利其實。故用智者不偷業，用力者不傷苦。此古之善伐者也。公曰：善。於是破齊之臣，東邑之卒，皆有加利。是上獨擅名利下流也。

景公問於晏子曰：治國何患？晏子對曰：患夫社鼠。公曰：何謂也？對曰：夫社，束木而塗之，鼠因往託焉，熏之

二鼠人皆
出於韓不知
非社鼠也
社鼠不薰
稷蜂不以
非社鼠稷
蜂之神其
所托者善
覓蜂窠

則恐燒其木。灌之則恐敗其途。此鼠所以不可得殺者。以社故也。夫國亦有焉。人主左右是也。內則蔽善。惡于君上。外則賣權重于百姓。不誅之則為亂。誅之則為人主所案據。腹而有之。此亦國之社鼠也。人有酤酒者。為器甚潔清。置表甚長。而酒酸不售。問之里人其故。里人云。公狗之猛。人挈器而入。且酤公酒。狗迎而噬之。此酒所以酸而不售也。夫國亦有猛狗。用事者是也。有道術之士。欲千萬乘之主。而用事者迎而齧之。此亦國之猛狗也。左右為社鼠。用事者為猛狗。

狗主安得無壅。國安得無患乎。

景公問晏子曰。治國之患亦有常乎。對曰。

佞人讒夫之在君側者。好惡良臣而行。與小人此國之長患也。公曰。讒佞之人則誠不善矣。雖然則奚曾為國常患乎。晏子曰。君以為耳目而好繆事。則是君之耳目繆也。夫上亂君之耳目。下使羣臣皆失其職。豈不誠是患哉。公曰。如是乎。寡人將去之。晏子曰。公不能去也。公忿然作色不悅曰。夫子何小寡人甚也。對曰。臣何敢稿也。夫能自周於君者。亦能背非常也。夫藏犬不誠於中者。必謹小誠於外。以成其大不誠。人則求君之嗜欲。能順之。公怨良臣。則具其往失。而益之出。則行威以取富夫。何密近不為大利變而務與君至義者也。此難得其知也。公曰。然則先聖奈何。對曰。先聖之治也。審見賓客。聽治不留。羣臣皆得畢其誠。讒諛安得容其私。公曰。然則夫子劫寡人止之。寡人亦事勿用。對曰。讒夫佞人之在君側者。若社之有鼠也。諺言有之曰。社鼠不可熏去。讒佞之人。隱君之威以自守也。是難去焉。

景公問晏子曰寡人意氣衰身病甚今吾欲具圭璋
犧牲令祝宗薦之乎上帝宗廟意者禮可以干福乎
晏子對曰嬰聞之昔者先君之干福也政必合乎民
行必順乎神節宮室不敢大斬伐以無偪山林節飲
食無多畋漁以無偪川澤祝宗用事辭罪而不敢有
所求也是以神民俱順而山川納祿今君政反乎民
而行悖乎神大宮室多斬伐以偪山林美飲食多畋
漁以偪川澤是以民神俱怨而山川收祿司過薦罪
而祝宗祈福意者逆乎公曰寡人非夫子無所聞此
請革心易行于是廢公阜之遊止海食之獻斬伐者
以時畋漁者有數居處飲食節之勿羨祝宗用事辭
罪而不敢有所求也故隣國忌之百姓親之晏子沒
而後衰

半言不學此
身好也

景公問晏子曰謀必得事必成有術乎晏子對曰有
公曰其術如何晏子曰謀度於義者必得事因于民
者必成公曰奚謂也對曰其謀也左右無所繫上下
無所靡其聲不悖其實不逆謀於上不違天謀於下
不違民以此謀者必得矣事大則利厚事小則利薄

稱事之小大。權利之輕重。國有義勞。民有如利。以此
舉事者必成矣。夫逃人而謀。雖成不安。傲民舉事。雖
成不榮。故臣聞義謀之法。以民事之本也。故及義而
謀。信民而動。未聞不存者也。昔三代之興也。謀必度
其義。事必因于民。及其衰也。建謀不及義。興事傷民。
故度義因民。謀事之術也。公曰。寡人不敏。聞善不行。
其危如何。對曰。上君全善。其次出入焉。其次結邪而
羞問。全善之君。能制出入之君。時問。雖日危。尚可以
沒身。羞問之君。不能保其身。今君雖危。尚可沒其身
也。

國可
後醒

君節感若
之若

景公問晏子曰。蒞國治民。善為國家者何如。晏子對
曰。舉賢以臨國。官能以救民。則其道也。舉賢官能。則
民與若矣。公曰。雖有賢能。吾庸知乎。晏子對曰。賢而
隱。庸為賢乎。吾君亦不務乎。是故不知也。公曰。請問
求賢。對曰。觀之以其游。說之以其行。君無以靡曼辯
辭。定其行。無以毀譽非議。定其身。如此則不為行以
揚聲。不掩欲以榮君。故通則視其所舉。窮則視其所
不為。富則視其所不取。夫上士難進而易退也。其次

謂極備信通
善也

易進易退也。其下易進難退也。以此數物者取人其可乎。

景公問晏子曰：寡人持不仁其無義耳也。不然北面與夫子而義。晏子對曰：嬰人臣也。公曷為出若言。公曰：請終問天下之所以存亡。晏子曰：縵密不能麗。直學者。拙身無以用人。而又不為人用者卑。善人不能戚惡人。不能踈者危。交游朋友從無以說於人。又不能說人者窮。事君要利。大者不得。小者不為者餒。偷道立義。大不能專。小不能附者滅。此足以觀存亡矣。

應選者

之意

古人文字包

舉過不可

以一端如此

一段珠玉

平

景公問晏子曰：明王之教民何若。晏子對曰：明其教令而先之以行義。養民不苛而防之以刑辟。所求于下者不務於上所禁於民者。不行于身。守于民財無虧之以利。立于儀法不犯之以邪。苟所求于民不以身害之。故下之勸從其教也。稱事以任民。申聽以禁邪。不窮之以勞。不害之以實。苟所禁于民不以事逆之。故下不敢犯其上。也。古者百里而異習。千里而殊俗。故明王脩道。一民同俗。上愛民為法。下相親為義。是以天下不相遺。此明王教民之理也。

忠言見晏子
能速之矣君
子能持敗不
能與人俱
敗則此非徒
以傷君已也
能聞伯良誦
旅黎証云大
知人心而可
使者應之
曰忠臣愛友
當異於是今
則此殊自信
也

何蓋小人
亦可按圖以

景公問於晏子曰忠臣之事君也何若晏子敘曰有
難不死出亡不逃公不悅曰君裂地而封之疏爵而
貴之君有難不死出亡不逃可謂忠乎對曰言而見
用終身無難臣奚死焉謀而見從終身不出臣奚逃
焉若言不用有難而死之是妄死也謀而不從出亡
而逃之是詐偽也故忠臣也者能納善於君不能與
君陷於難

景公問佞人之事君何如晏子對曰意難難不至也

明言行之以飾身偽言無欲以說人嚴其交以見其

愛觀上之所欲而微為之偶求君逼邇而陰為之與
內重爵祿而外輕之以誣行下事左右而上示正公
以偽廉求上采聽而幸以求進傲祿以求多辭任以
求重工乎取鄙乎子歡乎新慢乎故恡乎財薄乎施
覩貧窮若不識趨利若不及外交以自揚背親以自
厚積豐義之養而聲矜卹之義非譽乎情而言不行
身涉豈所議而好論賢不肖有之已不難非之人無
之已不難求之人其言彊梁而信其進敏遜而順此
佞人之行也明君之所誅愚君之所信也

景公問晏子曰古之蒞國治民者其任人何如晏子對曰地不同生而任之以一種責其俱生不可得人不同能而任之以一事不可責徧成責焉無已智者有不能給求焉無廢天地有不能贍也故明王之任人諂諛不邇乎左右阿黨不治乎本朝任人之長不彊其短任人之工不彊其拙此任人之大畧也

景公問晏子曰取人得賢之道何如晏子對曰舉之以語考之以事能論則尚而親之近而勿辱以取人則得賢之道也是以明君居上寡其官而多其行拙於文而工於事言不中不言行不法不爲也

晏子刪評卷下

會稽馬權奇異倩刪評

古剡王 僕士引 教

問下第四

行不行石並

浪而異美大

三慈詳

景公問晏子，廉政而長久，其行何也。晏子對曰：其行水也。美哉水乎！清清其濁不無，雩途其清無不灑除，是以長久也。公曰：廉政而邀亡，其行何也。對曰：其行石也。堅哉石乎！落落視之則堅，循之則堅，內外皆堅，無以為久，是以邀亡也。

晏子使魯見昭公。昭公說曰：天下以子大夫語寡人者衆矣。今得見而美乎所聞，請私而無爲罪。寡人聞大國之君，蓋回曲之君也。曷爲以子大夫之行，事回曲之君乎？晏子遂循對曰：嬰不肖，嬰之族又不若嬰，待嬰而祀先者五百家，故嬰不敢擇君。晏子出，昭公語人曰：晏子仁人也。反亡君安危國而不私利焉。僂崔杼之尸，滅賊亂之徒，不獲名焉。使齊外無諸侯之憂，內無國家之患，不伐功焉。鏗然不滿，退託於族。晏子可謂仁人矣。

晏子聘于魯，魯昭公問焉。吾聞之，莫三人而迷。今吾以魯一國迷慮之，不免于亂，何也？晏子對曰：君之所尊舉而富貴，入所以與圖身，出所以與圖國。及左右偏邇，皆同于君之心者也。犒魯國化而爲一心，魯無與二。其何暇有三？夫偏邇于君之側者，距本朝之勢，國之所以治也。左右讒諛相與塞善行之所以衰也。士者持祿游者養交，身之所以危也。詩曰：芄芃械櫟，薪之樵之。濟濟辟王，左右趨之。此言古者聖王明君之使以善也。故外知事之情，而內得心之誠，是以不

得透切

迷也。

晏子聘于晉，叔向從之。宴相與語，叔向曰：「齊其何如？」

晏子對曰：「此季世也。吾弗知。齊其為田氏乎？」叔向曰：

「何謂也？」晏子曰：「公棄其民而歸於田氏，齊舊四量，豆、

區、釜、鐘，四升為豆，各自其四，以登於釜，釜十則鐘。田

氏三量皆登一焉，鐘乃巨矣。以家量貸，以公量收之。

山木如市，弗加于山；魚鹽蜃蛤，弗加於海；民參其力，

二入於公，而衣食其一。公積朽蠹，而老小凍餒，國都

之市，屨賤而踊貴，民人痛疾，或燔休之。昔者殷人誅

不當，修民無時，文王慈惠，殷眾收卹，無主是故天

下歸之，無私與，維德之授。今公室驕暴，而田氏慈惠，

其愛之如父母，而歸之如流水，無獲民將焉避？箕

伯直柄，虞遂伯戲，其相胡公大姬已，在齊矣。叔向曰：

「雖吾公室亦季世也。戎馬不駕，卿無軍行，公乘無人，

卒列無長，庶民罷弊，官室滋侈，道殣相望，而女富溢，

尤。民間公命如逃寇，讎藥卻胥，原孤續慶，伯降在皂，

隸政在家門，民無所依，而君日不悛，以樂怡憂。公室

之卑，其何日之有？讒鼎之銘曰：「昧且丕顯，後世猶怠。」

一旬見大指

一家量二

不登三公量

田氏三量登

二百餘登各

公之量也

田氏之曲

民也而

民也而

民也而

爾矣事不
成矣可云符

況目不悛其奄久乎。晏子曰：然則子將若何？叔向曰：人事畢矣，待天而已矣。晉之公族盡矣，胙聞之，公室將卑，其宗族枝葉先落，則公從之。胙之宗十一族，維羊舌氏在而已。胙又無子，公室無度，幸而得死，豈其獲祀焉。

兩賢相見，咨嗟嘆息，甚於痛哭，其文當與左氏參看。

叔向問晏子曰：世亂不遵道，上辟不用義，正行則民遺，曲行則道廢，正行而遺民乎？與持民而遺道乎？此二者之於行何如？晏子對曰：嬰聞之，卑而不失會，而不失正者，以民爲本也。苟持民矣，安有遺道？苟遺民矣，安有正行焉。

叔向問晏子曰：嗇吝愛之於行何如？晏子對曰：嗇者君子之道，吝愛者小人之行也。叔向曰：何謂也？晏子曰：稱財多寡而節用之，富無金藏，貧不假貸，謂之嗇。積多不能分人而厚自養，謂之吝。不能分人又不能自養，謂之愛。故夫嗇者君子之道，吝愛者小人之行也。

如此語是
臣扶也

叔向問晏子曰。人何以則可謂保其身。晏子對曰。詩曰。既明且哲。以保其身。夙夜匪懈。以事一人。不庶幾。不要幸。先其難乎。而後幸得之。時其所也。失之。非其罪也。可謂保其身矣。

梁丘據問晏子曰。子事三君。君不同心。而子俱順焉。仁人固多心乎。晏子對曰。嬰聞之。順愛不懈。可以使百姓暴彊不忠。不可以使一人一心。可以事百君。三心不可以事一君。仲尼聞之曰。小子識之。晏子以一心事百君者也。

禮上第五

禮之義足
事之後可以
無死矣
伏案

晏子為莊公臣。言大用。每朝賜爵益邑。俄而不用。每朝致邑與爵。爵邑盡。退朝而乘。噴然而歎。終而笑。其僕曰。何歎笑相從數也。晏子曰。吾嘆也。哀吾君不免於難。吾笑也。喜吾自得也。吾亦無死矣。崔杼果弑莊公。晏子立崔杼之門。從者曰。死乎。晏子曰。獨吾君也乎哉。吾死也。曰。行乎。曰。獨吾罪也乎哉。吾亡也。曰。歸乎。曰。吾君死矣。歸。君民者。豈以陵民。社稷是主。臣君者。豈為其口實。社稷是養。故君為社稷死。則死之。為

附行三二語
當論後世覺
清先生未免
於此借贖
豈小節而耶
功名不立畢
竟欺人語何
如此脫洒

社稷亡則亡之。若君為已死而為已亡，非其私暱孰能任之。且人有君而弑之，吾焉得死之而焉得亡之。將庸何歸。門啓而入，崔子曰：子何不死？子何不死？晏子曰：禍始吾不在也，禍終吾不知也，吾何為死？且吾聞之以亡為行者，不足以存君，以死為義者，不足以立功，嬰豈其婢子也哉？其然而從之也。遂但免坐，枕君尸而哭，與三踊而出。人謂崔子必殺之，崔子曰：民之望也，舍之得民。

崔杼既弑莊公而立景公，杼與慶封相之，劫諸將軍

大夫及顯士庶人於太宮之坎上，令無得不盟者。

壇三仞，培其下，以甲子剋，環其內外，盟者皆脫劍而入。維晏子不肯，崔杼許之，有敢不盟者，戟拘其頸，劍承其心。令自盟曰：不與崔慶而與公室者，受其不祥。言不疾，指不至血者，死。所殺七人，次及晏子。晏子奉楮血，仰天嘆曰：嗚呼！崔子為無道而弑其君，不與公室而與崔慶者，受此不祥。俛而飲血。崔杼謂晏子曰：子變子言，則齊國吾與子共之。子不變子言，戟既在，脰劍既在心，維子圖之也。晏子曰：劫吾以刃而失其

志非勇也。回吾以利而倍其君，非義也。崔子子獨不為天討乎？詩云：莫莫葛藟，施於條枚。愷悌君子，求福不回。今嬰且可以回而求福乎？曲亦鉤之，直兵推之，嬰不革矣。崔杼將殺之，或曰：不可。子以子之君無道而殺之，今其臣有道之士也，又從而殺之，不可以為教矣。崔子遂舍之。晏子曰：若大夫為大不仁而為小仁，焉有中乎？趨出，授綬而乘，其僕將馳。晏子撫其手曰：徐之，疾不必生，徐不必死。鹿生於野，命縣于厨，嬰命有繫矣。按之成節而後去。詩云：彼己之子，舍命不渝。

又此三語匪
死節思

淪。晏子之謂也。

景公之時饑，晏子請為民發粟，公不許。當為路寢之臺，晏子令吏重其賃，遠其兆。徐其日而不趨。三年，臺成而民振，故上悅乎游，民足乎食。君子曰：政則晏子欲發粟與民而已，若使不可得，則依物而偶於政。景公探雀穀，穀弱，反之。晏子聞之，不待時而入見。景公汗出惕然。晏子曰：君何為者也？公曰：吾探雀穀，穀弱，故反之。晏子遂巡北面再拜而賀曰：吾君有聖王之道矣。公曰：寡人探雀穀，穀弱，故反之，其當聖王之

道者何也。晏子對曰：君探雀毀，穀弱反之，是長幼也。吾君仁愛，曾禽獸之加焉，而況于人乎？此聖王之道也。

景公飲酒，夜移於晏子，前驅欵門曰：君至。晏子被玄端，立于門曰：諸侯得微有故乎？國家得微有事乎？君何為非時而夜辱？公曰：酒醴之味，金石之聲，願與夫子樂之。晏子對曰：夫布薦席，陳簋簞者，有人，臣不敢與焉。公曰：移於梁丘據之家，前驅欵門曰：君至。穰苴對曰：夫布薦席，陳簋簞者，有人，臣不敢與焉。公曰：移於梁丘據之家，前驅欵門曰：君至。梁丘據左操瑟，右擊竽，行歌而出。公曰：樂哉！今夕吾飲也，微彼二子者，何以治吾國？微此一臣者，何以樂吾身？君子曰：聖賢之君，皆有益友，無偷樂之臣。景公弗能及，故兩用之，僅得不亡。

晏子飲，景公酒日暮，公呼具火。晏子辭曰：詩曰：側弁之俄，言失德也。屢舞僇僇，言失容也。既醉以酒，既飽

以德既醉而出。竝受其福。實主之禮也。醉而不出。是謂伐德。實之罪也。嬰已卜其日。未卜其夜。公曰善。舉酒祭之。再拜而出。曰。盍過我哉。吾託國於晏子也。以其家貨養寡人。不欲其淫侈也。而況與寡人謀國乎。景公予魯君地。山陰數百社。使晏子致之。魯使子叔昭伯受地。不盡受也。晏子曰。寡君獻地。忠廉也。曷爲不盡受。子叔昭伯曰。臣受命於君。曰。諸侯相見。交讓爭處其卑。禮之文也。交委多。爭受少。行之實也。禮成文於前。行成章於後。文之所以長久也。且吾聞君子不盡人之歡。不竭人之忠。吾是以不盡受也。晏子歸報公。公喜笑曰。魯君猶若是乎。晏子曰。臣聞大國貪於名。小國貪於實。此諸侯之公患也。今魯處卑而不貪乎尊。辭實而不貪乎多。行廉不爲苟得。道義不爲苟合。不盡人之歡。不竭人之忠。以全其交。君之道義殊於世俗。國免於公患。公曰。寡人說魯君。故予之地。今行果若此。吾將使人賀之。晏子曰。不君以驩予之地。而賀其辭。則交不親。而地不爲德矣。公曰善。於是重魯之幣。毋比諸侯。厚其禮。毋比實客。君子於魯而

後明行廉辭地之可爲重名也。

魯昭公棄國走齊，齊公問焉，曰：君何年之少，而棄國之蚤？奚道至於此乎？昭公對曰：吾少之時，人多愛我者，吾體不能親，人多諫我者，吾志不能用，是則內無拂而外無輔，輔拂無一人，諂諛我者甚衆，譬之猶秋蓬也，孤其根而美枝葉，秋風一至，根且拔矣。景公辯其言以語晏子曰：使是人反其國，豈不爲古之賢君乎？晏子對曰：不然，夫愚者多悔，不肖者自賢，溺者不問，墜迷者不問路，溺而後問，墜迷而後問路，譬之猶臨難而遽鑄兵，噎而遽掘井，雖速亦無及已。

晏子之魯，朝食進餽膳，有豚焉，晏子曰：去其二肩，畫者進膳，則豚肩不具，侍者曰：膳豚肩亡，晏子曰：釋之矣，侍者曰：我能得其人，晏子曰：止，吾聞之，量功而不量力，則民盡，藏餘不分，則民盜，子教我所以改之，無教我求其人也。

曾子將行，晏子送之，曰：君子贈人以軒，不若以言，吾請以言之，以軒乎？曾子曰：請以言，晏子曰：今夫車輪山之直木也，良匠揉之，其圓中規，雖有槁暴，不復斲。

慎修求湛有
出人後

說到辟患不
廢

二
三
晏

矣。故君子慎。隱。揉。和氏之璧。井里之困也。良工脩之。則為存國之寶。故君子慎。所脩。今夫蘭本三年而成。湛之苦酒。則君子不近。庶人不佩。湛之糜醢。而賈匹馬矣。非蘭本美也。所蕩然也。願子之必求所湛。嬰聞之。君子居必擇居。游必就上。擇居所以求士。求士所以辟患也。嬰聞汨常移質。習俗移性。不可不慎也。晏子之晉。至中牟。睹弊冠反裘負芻。息於塗側者。以為君子也。使人問焉。曰。子何為者也。對曰。我越石父者也。晏子曰。何為至此。曰。吾為人臣。僕於中牟。見使

荆歸。晏子曰。何為之僕。對曰。不免凍餓之切。吾身是

以為僕也。晏子曰。為僕幾何。對曰。三年矣。晏子曰。可

得贖乎。對曰。可。遂解左驂以贈之。因載而與之俱歸。

至舍。不辭而入。越石父怒而請絕。晏子使人應之曰。

吾未嘗得交夫子也。子為僕三年。吾乃今日睹而贖

之。吾於子尚未可乎。子何絕我之暴也。越石父對之

曰。臣聞之。士者諳乎不知已。而申乎知已。故君子不

以功輕人之身。不為彼功詘身之理。吾三年為人臣

僕。而莫吾知也。今子贖我。吾以子為知我矣。嚮者子

大道理

世廣番

乘不我辭也。吾以子爲忘。今又不辭而入。是與臣我者同矣。我猶且爲臣。請鬻於世。晏子出見之。曰。嚮者見客之容。而今也。見客之意。嬰聞之。省行者不引其過。察實者不譏其辭。嬰可以辭而無棄乎。嬰誠革之。乃令糞灑改席尊醮而禮之。越石父曰。吾聞之。至恭不脩途。尊禮不受擯。夫子禮之。僕不敢當也。晏子遂以爲上客。君子曰。俗人之有功。推德。德則驕。晏子有功。免人於厄。而反詘下之。其去崔亦遠矣。此全功之道也。

晏子
敬可敬

子長與

晏子爲齊相。出其御之妻。從門間而闚其夫爲相御。擁大蓋。策駟馬。意氣揚揚。甚自得也。旣而歸其妻。請去。夫問其故。妻曰。晏子長不滿六尺。身相齊國。名顯諸侯。今者妾觀其出。志念深矣。常有以自下者。今子長八尺。乃爲人僕御。然子之意。自以爲足。妾是以求去也。其後夫自抑損。晏子怪而問之。御以實對。晏子薦以爲大夫。

燕之游士有泯子午者。南見晏子於齊。言有文章術。有條理。巨可以補國。細可以益晏子者。三百篇。睹晏

獨居深處時
嘗有此一段

子恐慎而不能言。晏子假之以悲色，開之以禮，顏然
盡其復也。客退，晏子直席而坐，廢朝移晷，在側
者曰：嚮者燕客侍夫子，胡為憂也？晏子曰：燕萬乘之
國也，齊千里之塗也，泯子午以萬乘之國為不足說，
以千里之塗為不足遠，則是千萬人之上也。且猶不
能殫其言於我，況乎齊人之懷善而死者乎？吾所以
不得睹者，豈不多矣！然吾失此，何之有也。

雜下第六

齊人甚好鞞擊，相犯以為樂，禁之不止。晏子患之，乃
為新車良馬，出與人相犯也。曰：鞞擊者不祥，臣其祭
祀不順，居處不敬乎？下車而棄去之，然後國人乃不
為。故曰：禁之以制，而身不先行，民不能止，故化其心
莫若教也。

景公為路寢之臺，成而不踊焉。桓常騫曰：君為臺甚
急，臺成，君何為而不踊焉？公曰：然有梟，昔者鳴聲無
不為也，吾惡之甚，是以不踊焉。桓常騫曰：臣請禳而
去。公曰：何具？對曰：築新室，為置白茅。公使為室，成置
白茅焉。桓常騫夜用事，明日問公曰：今昔聞鴉聲乎？

公曰。一鳴而不復聞。使人往視之。鴉當陞布筮。伏地而死。公曰。子之道若此。其明亦能益寡人之壽乎。對曰。能。公曰。能益幾何。對曰。天子九諸侯七。大夫五。公曰。子亦有徵兆之見乎。對曰。得壽地且動。公喜。令百官趣具。騫之所求。栢常騫出。遭晏子於塗。拜馬前。騫辭曰。爲禳君鴉而殺之。君謂騫曰。子之道若此。其明也。亦能益寡人壽乎。騫曰。能。今且大祭。爲君請壽。故將往以聞。晏子曰。嘻。亦善。能爲君請壽也。雖然。吾聞之。維以政與德而順乎神。爲可以益壽。今徒祭可以

益壽乎。然則福兆有見乎。對曰。得壽地將動。晏子曰。騫昔吾見維星絕。樞星散地。其動汝以是乎。栢常騫俯有間。抑而對曰。然。晏子曰。爲之無益。不爲無損也。汝薄歛。毋費民。且無令君知之。

其事實錄也。古者國有大臣。不能禁其君用百技。能使百技有所稟。而不敢輕動。使後世人處此。則必以維星絕。樞星散。沾沾於其君之前。而筆舌之用多矣。如此放寬一步。令栢常心死。而景公在宥。而不知。子輿云。晏子以其君顯。抑何容易。

景公病水臥十數日。夜夢與二日鬪，不勝。晏子朝，公曰：「夕者夢與二日鬪，而寡人不勝，我其死乎？」晏子對曰：「請召占夢者。」出於閨，使人以車迎。占夢者至，曰：「曷為見召？」晏子曰：「夜者，公夢二日與公鬪，不勝。」公曰：「寡人死乎？」故請君占夢，是所為也。占夢者曰：「請反其書。」晏子曰：「毋反書，公所病者陰也。日者陽也。一陰不勝二陽，故病將已。以是對。」占夢者入，公曰：「寡人夢與二日鬪而不勝，寡人死乎？」占夢者對曰：「公之所病陰也。日者陽也。一陰不勝二陽，公病將已。」居三日，公病大

凡人以類類

愈。公且賜占夢者。占夢者曰：「此非臣之力，晏子教臣也。」

言非獨善言
下亦抑忠

也。公召晏子，且賜之。晏子曰：「占夢以占之言對，故有益也。」使臣言之，則不信矣。此占夢之力也。臣無功焉。

公兩賜之，曰：「以晏子不奪人之功，以占夢者不蔽人之能。」

非禮而不可

晏子使吳，吳王謂行人曰：「吾聞晏嬰，蓋北方辯於辭，習於禮者也。」命儻者曰：「客見，則稱天子請見，明日晏子有事，行人曰：「天子請見，晏子蹙然。」行人又曰：「天子請見，晏子蹙然。」又曰：「天子請見，晏子蹙然。」者三日，臣

伴為不知也
者使自掩人

請見，晏子蹙然。又曰：「天子請見，晏子蹙然。」者三日，臣

省幾多日
後世不可少
此種

受命弊邑之君將使於吳王之所以不敏而迷惑入於天子之朝敢問吳王惡乎存然後吳王曰夫差請見見之以諸侯之禮

當知此等和
國不與戰國
同孔

晏子使楚以晏子短楚人爲小門於大門之側而延晏子晏子不入曰使狗國者從狗門入命臣使楚不當從此門入儻者更道從大門入見楚王王曰齊無人耶晏子對曰臨淄三百間張袂成陰揮汗成雨比肩繼踵而在何爲無人王曰然則子何爲使乎晏子對曰齊命使各有所主其賢者使使賢王不肖者使使不肖王嬰最不肖故直使楚矣

魯得妙

漢得妙

如此辨非徒
取勝於吾

晏子將至楚楚聞之謂左右曰晏嬰齊之習辭者也今方來吾欲辱之何以也左右對曰爲其來也臣請縛一人過王而行王曰何爲者也對曰齊人也王曰何坐曰坐盜晏子至楚王賜晏子酒酒酣吏二縛一人詣王王曰縛者曷爲者也對曰齊人也坐盜王視晏子曰齊人固善盜乎晏子避席對曰嬰聞之橘生淮南則爲橘生于淮北則爲枳葉徒相似其實味不同所以然者何水土異也今民生長於齊不盜入楚

則盜得無楚之水土使民善盜耶王笑曰聖人非所與嬉也寡人反取病焉

慶氏亡分其邑與晏子邶殿其鄙六十晏子弗受子尾曰富者人之所欲也何獨弗欲晏子對曰慶氏之邑足欲故亡吾邑不足欲也益之以邶殿乃足欲足欲亡無日矣在外不得宰吾一邑不受邶殿非惡富也恐失富也且夫富如布帛之有幅焉為之制度使無遷也夫生厚而用利於是乎正德以幅之使無黜慢謂之幅利利過則為敗吾不敢貪多所謂幅也

是謂有

正與愛魚不受魚同言賢以情告人如此皆令人不及餘幾許詞矣不日不貪而曰幅利二字

晏子方食景公使使者至分食食之使者不飽晏子

亦不飽使者反言之公公曰嘻晏子之家若是其貧

也寡人不知是寡人之過也使吏致千金與市租請

以奉賓客晏子辭三致之終再拜而辭曰嬰之家不

貧以君之賜澤覆三族延及交遊以振百姓君之賜

也厚矣嬰之家不貧也嬰聞之夫厚取之君而施之

民是臣代君君民也忠臣不為也厚取之君而不施

於民是為筐篋之藏也仁人不為也進取于君退得

罪於士身死而財遷於他人是為宰藏也智者不為

晏論士志何有耳未聞

看更對輕
受定有一
自居處亦
有齊倫

也。夫十總之布，一豆之食，足於中，免矣。景公謂晏子曰：昔吾先君桓公以書社五百封管仲，不辭而受，子辭之，何也？晏子曰：嬰聞之，聖人千慮必有一失，愚人千慮必有一得意者，管仲之失而嬰之得者耶？故再拜而不敢受命。

看此問
悲地圖男
不能

景公欲更晏子之宅，曰：子之宅近市，湫隘囂塵，不可以居，請更諸爽塏者。晏子辭曰：君之先臣容焉，臣不足以嗣之於臣，侈矣。且小人近市，朝夕得所求，小人之利也，敢煩里旅。公笑曰：子近市，識貴賤乎？對曰：既

看此言

竊利之，敢不識乎？公曰：何貴何賤？是時也，公繁於刑，有鬻踊者，故對曰：踊貴而履賤。公愀然改容，公為是省於刑。君子曰：仁人之言，其利博哉。晏子一言而齊侯省刑，詩曰：君子如祉，亂無遘已，其是之謂乎。

大須撰策

景公謂晏子曰：寡人欲朝夕見為夫子，築室於閨內，可乎？晏子對曰：臣聞之，隱而顯，近而結，維至賢耳。如臣者，飾其容，止以待承，合猶恐罪戾也。今君近之，是遠之也，請辭。

今君近之是
遠之也淺易
人如何解得

景公有愛女，請嫁於晏子。公乃往燕晏子之家，飲酒

意之明達勝
朱公為多

酣。公見其妻曰。此子之內子耶。晏子對曰。然是也。公
曰。嘻。亦老且惡矣。寡人有女。少且姣。請以滿夫子之
宮。晏子違席而對曰。乃此則老且惡。嬰與之居故矣。
故及其少而姣也。且人固以壯託乎老。姣託乎惡。彼
嘗託而嬰受之矣。君雖有賜。可以使嬰倍其託乎。再
拜而辭。

以此左實獲
當使世無操
行

如此語何難
盡

梁丘據謂晏子曰。吾至死不及夫子矣。晏子曰。嬰聞
之。為者常成。行者常至。嬰非有異於人也。常為而不
置。常行而不休者。故難及也。

窮盡極
等

晏子病將死。鑿楹納書焉。謂其妻曰。楹語也。子壯而
示之。及壯發書之言曰。布帛不可窮。窮不可飾。牛馬
不可窮。窮不可服。士不可窮。窮不可任。國不可窮。窮
不可竊也。

晏子刪評卷下

終



